

Suega a Tasi

Saunia e Lucy Stevenson Ewell
(E faavae i se tala moni)

O lenei tala sa tupu i Zimbabwe.

Sa manava loloa Tasi a o toe tuuina atu e lona faiaoga i tagata aoga a latou suega. E ui lava sa na o se suega faataitai, ae sa popole o ia i le vaai o ona togi.

O le tausaga mulimuli lea o le aoga tulagalua a Tasi, ma sa tele ana suega. E ese mai suega i le numera ma le saienisi, sa tatau foi ona ia faia ni suega o le gagana. I Zimbabwe, sa latou aoao ai e tusitusi ma tautatala i le Igilisi ma Shona. O Shona sa sili ona faigata mo Tasi.

"Ia lea, Tasi." Sa tuuina atu e le faiaoga a Tasi ana togi. Sa lelei lana togi i le numera! Ma e lelei tele i le faaPeretania. Ona vaia lea e Tasi o ona togi mo le Shona, ma na le lelei ai lana faalogo ma tau faama'ima'i ai. Sa lei lelei lava i lana mataupu lea!



Sa tilotilo Tasi i le eleele i le savaliga atoa i le fale mai le aoga.

"O le a se mea ua tupu?" O le fesili lea a Tina.

"Sa ou maua se togi leaga i lau suega faataitai mo le Shona," o le tala lea a Tasi. "Sa ou leaga lava i taimi uma i le Shona. Ae faapefea pe afai ou te toilalo i le suega moni?"

Sa saofafai i lalo Tina ma Tasi. Sa tilotilo atu o ia i ona maka. "E foliga mai e te manaomia nisi faataitaiga."



Sa tatalo Tasi ina ia tauia lana galuega faigata.



Sa oi Tasi.

"Ae faapefea pe afai e te faatuina se sini e galue e tusitusi i le Shona?" Na toso mai e Tina le *Tusitaiala a Tamaiti* a Tasi. Ona ia faitauina lea o le mau o loo i le itulau muamua. "Ma na tuputupu a'e Iesu i le potu ma le tino, ma ua alofagia e le Atua atoa ma tagata."*Sa ataata atu ia Tasi. "Sa tuputupu ae Iesu i lea taimi mai lea taimi, ma e mafai foi e oe."

"Ua lelei la," na fai atu ai Tasi. "E te manatu o le a fesoasoani mai le Tama Faalelagi ia te au?"

"Ou te iloa o le a Ia faia."

I lena po, sa faia ai e Tasi se tatalo. "Tama Faalelagi pēlē, faamolemole fesoasoani mai ia te au ia pasi lau suega o le Shona. Faamolemole fesoasoani mai ia te au e aoao ma ia ou lelei atili. I le suafa o Iesu Keriso, amene."

O ATA NA TUSIA E PAULINE GREGORY



MO TAMAITI MATUTUA

Sa faafetai Tasi ona sa mafai ona ia tatalo mo se fesoasoani. Ae sa ia iloina e tatau foi ona ia galue malosi. O aso uma lava, e faataitai ai e Tasi ona tusitusi i le Shona. Sa ia maua se fesoasoani faaopoopo mai ona faiaoga. O nisi taimi sa ia moomoo maimau pe ana mafai ona ia taalo ma ana uo pe fai se isi mea. Ae sa ia taumafai pea.

"Ua tele lou alualu i luma," o le tala lea a le faiaoga a Tasi.

Sa lagona e Tasi le mitamita ia te ia lava mo le galue malosi.

Na iu ina oo mai le aso o le suega. Sa ia toe faia se isi tatalo se tasi ma ole atu mo le fesoasoani a le Tama Faalelagi.

Sa tuuina atu e le faiaoga ia suega i tagata aoga, ma sa piki i luga e Tasi lana penitala. A o amata ona ia tusitusi, sa ia lagonaina se lagona mafanafana, ma le toafilemu. Sa ia iloina o le Agaga Paia. Sa faamafanafanaina o ia e le Tama Faalelagi ma fesoasoani ia te ia.

Ina ua uma le suega, sa fiafia Tasi e ta'u atu i ona matua e uiga i le suega. Na te lei iloina po o le a lana togi, ae sa ia maua se lagona lelei e uiga i ai. Sa ia faia le mea sili na te mafaia.

"Ua ou mitamita lava ia te oe," na fai atu ai Tina.

"Faafetai!" Sa ataata Tasi ma toso mai i fafo lana *Tusitaiala a Tamaiti* e toe faitau ai le mau. Ae sa ia suia sina vaega itiiti se tasi. "Ma na tuputupu a'e Tasi i le potu ma le tino, ma ua alofagia e le Atua atoa ma tagata." ●